

Dyma ychydig o enghreifftiau o blanhigion ac anifeiliaid ymosodol a allai ddod yn broblem ddifrifol yn ein dyfrffyrdd:

**BRIALLEN Y DŴR**

Mae planhigion dŵr croyw fel briallen y dŵr yn blocio dyfrffyrdd gan gyfyngu ar lywio, ac yn tagu pyllau a llynnoedd. Nid yw briallen y dŵr wedi ymledu'n helaeth ym Mhrydain hyd ond os bydd yn lledu ymhellach, fel y gwnaeth mewn rhannau eraill o Ewrop, bydd yn costio £miliynau i'w rheoli.



**MISGLEN QUAGGA**

Mae'r fisglen dŵr croyw fechan iawn hon yn bridio'n hynod gyflym ac yn tyfu mewn clystyrau dwys a all orchuddio wyneb isaf cychod a thagu'r propelor.



**PERDYSEN REIBUS**

Mae'r berdysen hon yn ysglyfaethwr gwancus ac yn lladd anifeiliaid bychain eraill fel ein perdysen frodorol a physgod ifanc, a gall hyn effeithio'n sylweddol ar yr holl ecosystem. Mae ei maint bychan (3cm ar y mwyaf) yn golygu y gallai'n hawdd fod ynghudd ar rannau tamp yn eich cwch neu ar eich dillad, lle y gall oroesi am bythefnos.



# ATAL YR YMLEDIAD

Gallwch ganfod mwy am blanhigion ac anifeiliaid ymosodol a sut i'w hatal rhag ymledu yn:

[nonnativespecies.org/checkcleandry](http://nonnativespecies.org/checkcleandry)

@CheckCleanDryGB

Sganiwch y cod QR ar eich ffôn symudol



Mae planhigion ac anifeiliaid ymosodol yn blocio dyfrffyrdd ac yn niweidio'r amgylchedd

Peidiwch â'u helpu i ymledu ar eich cwch

EDRYCH

GOLCHI

SYCHU

Lluniau gan Asiantaeth yr Amgylchedd; Trevor Renals; a David Aldridge, Prifysgol Caergrawnt.



Mae planhigion ac anifeiliaid ymosodol o bob rhan o'r byd wedi eu cyflwyno'n ddamweiniol i ddyfroedd ym Mhrydain. Mae dros hanner cant o wahanol rywogaethau eisoes wedi eu canfod yn ein llynnoedd, ein hafonydd a dyfrffyrdd eraill ac mae'r niferoedd sy'n cyrraedd o'r newydd yn cynyddu'n gyflym.

Maent yn achosi problemau amgylcheddol difrifol a all fod yn ddi-droi'n-ôl – gan gystadlu'n llwyddiannus yn erbyn bywyd gwyllt brodorol, achosi niwed i ecosystemau a lledaenu clefydau. Gallant hefyd flocio camlesi gan gyfyngu ar lywio, tagu'r propelor a difrodi cychod.

Gallant fod yn fychan ac anodd eu canfod felly mae'n hawdd iddynt ymledu ar gychod ac offer tamp. **Diogelwch yr amgylchedd a chofiwch eich bod yn Edrych Golchi Sychu pan fyddwch yn dod â'ch cwch allan o'r dŵr i osgoi planhigion ac anifeiliaid ymosodol rhag ymledu.**

# ATAL YR YMLEDIAD

Pan fyddwch ar y dŵr gallwch leihau'r risg bod planhigion ac anifeiliaid ymosodol yn ymledu drwy:

- Osgoi manau lle mae planhigion yn arnofio
- Tynnu unrhyw blanhigion fydd wedi mynd yn sownd ar eich peiriant neu'ch propelor
- Os oes peiriant mewnol yn eich cwch, cliriwch yr hidlyddion chwyn yn rheolaidd
- Rhoi unrhyw ddeunydd planhigion mewn bagiau i'w taflu i'r bin yn nes ymlaen

Os byddwch yn tynnu eich cwch o'r dŵr i'w symud i rywle newydd mae'n hynod bwysig eich bod yn **Edrych Golchi Sychu** i sicrhau nad ydych yn dod ag unrhyw blanhigion neu anifeiliaid ymosodol gyda chi.

## Cofiwch edrych yn ofalus ar y manau hyn

### EDRYCH


**Edrychwch** ar eich cychod, eich offer a'ch dillad ar ôl dod allan o'r dŵr gan chwilio am fwd, deunydd halogi neu ddeunydd planhigion. Tynnwch unrhyw beth y byddwch yn ei ddarganfod, a'i adael ar y lan neu ei roi yn y bin.

### GOLCHI

**Golchwch** bopeth yn drylwyr cyn gynted ag y gallwch, gan roi sylw i'r ffender, propelor, yr ymyl o amgylch eich cwch, a manau sy'n damp ac yn anodd mynd atynt. Defnyddiwch ddŵr poeth os gallwch.

### SYCHU

**Sychwch** – draeniwch ddŵr o bob rhan o'ch cwch a sychwch bopeth cyn hired â phosibl cyn eu defnyddio yn rhywle arall gan y gall rhai planhigion ac anifeiliaid ymosodol oroesi am bythefnos dan amodau tamp.



Gallwch wneud cais am ddeunyddiau codi ymwybyddiaeth ynghylch Edrych Golchi Sychu ar gyfer eich clwb yn rhad ac am ddim o [nonnativespecies.org/checkcleandry](https://nonnativespecies.org/checkcleandry)